

# 大日本史

四十八

第九十九卷 皇子列傳

後醍醐 後村上

長慶 後龜山

後小松

附北朝皇子

一五〇册	五〇架	八〇函	二八七一號	和書門類
------	-----	-----	-------	------

三九函	一五〇册	三架	二八七一號	和書類
内閣文庫				
番號	和 12871			
冊數	150(48)			
函號	269	20		





大日本史卷之九十九

十九

淺草文庫



列傳第二十六

權中納言從三位源光圀 修

男權中納言從三位綱條 校


玄孫權中納言從三位治保重校

皇子十四

後醍醐十五子

尊良親王

世良親王



大日本史卷之九十九 列傳第二十六



護良親王 子陸良

靜尊法親王

宗良親王

皇太子恒良

成良親王

躬良親王

懷良親王

僧尊真

聖助法親王

玄圓法親王

僧恒性

僧元選

滿良親王

後村上六子

世泰親王

惟成親王

皇太弟泰成

說成親王



良成

泰邦親王

長慶一子

僧尊聖

後龜山一子

皇子某

後小松二子

皇子某

僧宗純

附北朝皇子

光嚴二子 敦親 王 義仁 法親

一子 周尊 弘助 崇光 三子 興信 榮

仁親 王 後弘 助 法親 王 子 興信 榮

法親 王 後弘 助 法親 王 子 興信 榮

親法 親王 久尊 親王 覺堯 堯仁

親王 寬守 法親 王 明承 法

親王 聖助 法親 王 堯性 法

後圓融 一道 寬法 親王 朝法 僧某 王

後醍醐十六皇子、宮人藤原廉子生第六子  
皇太子恒良親王、○神明天正本太平記一為第八子  
第七子成良親王、○天正本太平記及



並後村上帝神皇正統記、參取太平記、官人藤原為子生

第一子尊良親王、宗良親王、太平記、增鏡、○

宗良為第八子誤、按太平記為弟稱之也、源親子生

第三子護良親王、太平記、西源院本太平記、○

利家本天正本島津家本第四、釋家官班記第六並誤、藤原氏生第二

子世良親王、鳥津家本、第四子靜尊法親

王、島津家本、藤原守子生第十三子玄圓法

親王、諸門跡譜、島津、藤原氏生第十二子躬

良法親王、諸門跡譜、○仁和子懷良親王、古本

醍醐帝系圖、皇胤紹運錄、○內侍藤原氏生僧

尊真、皇胤紹、菅原氏生聖助法親王、皇胤紹

原系、典侍藤原親子生滿良親王、皇胤紹、古本帝

王系、龜山帝皇女其生僧恒性、諸門、昭慶門

院生僧元選、無文禪師行狀、○按皇胤紹運

近衛者、蓋行狀誤、昭訓作昭慶、而脫近衛二

字乎、且諸書皇子次序錯亂、不能考證、今取

有據、無所考、第、尊良親王、嘉曆元年冠為中務卿、增鏡、幼聰慧、

容姿可觀、人皆望為太子、北條高時立後二



條帝子邦良為太子、尊良悒鬱、

太平記、參取增鏡、新葉和

歌集元弘元年從幸笠置、

增鏡、太平記、尋入楠笠置寺緣起

正成赤坂城、聞笠置陷、帝被幽、自赴京師、

增鏡

○太平記曰、笠置陷時被執、

賊執拘於佐佐木時信家、二

年遷于土佐畑、

增鏡、太平記

三年亂平歸京師、建

武二年足利尊氏反、敕以尊良為東國管領

討之、新田義貞副之、尊良軍過三條河原、適

有暴風吹旗上、貼金日月墜地、眾皆失色、以

為不祥也、義貞與尊氏先鋒戰、矢矧鷺坂、連

破之、尊良率脇屋義助等向竹下、與尊氏當

麾下素不訓練、爭先而進、賊乘機奮擊、官軍

狼狽失據、會大友貞載鹽冶高貞降賊、倒兵

以戰、尊良敗績、延元元年尊氏逼京師、從幸

延曆寺、冬輔皇太子恒良守越前金碕城、賊

攻甚急、糧援不繼、明年春城將陷、新田義顯

啓尊良曰、臣將家子、義不苟生、大王帝室之

胄、縱陷賊中、必不敢加害、願勿自輕也、尊良

莞爾曰、主上以孤為首領、卿為股肱、夫股肱



亡而首領得安、未之有也、當殞命白刃、報讐黃泉、而孤生長宮闈、不習武事、不知自裁法當如何、義顯泣曰、樣當如此、乃潰腹置刀於尊良前而伏、尊良執其刀、流血漬襖、滑不可握、衣袖纏襮、洞胸而薨、左近衛中將藤原行房及將士自殺者三百餘人、賊傳尊良首於京師、尊氏使僧疎石葬之禪林寺、太平尊良

有一男一女、名闕、增鏡○按本書親王在外其女大納言典侍姦生一女、又通右大臣藤原公顯女中宮御匣生一男、元弘日記裏書

延元三年九月十一日、尊澄法親王及尊良親王之、一宮、船至伊豆、碇、遇大風、漂到遠江、井伊城、二書、并不載名、又按太平記、尊良親王、賜藤原公顯女、寄書挑之、女已許他嫁、親王春戀不已、一日聞講貞觀政要、至唐太宗欲納鄭仁基女、女已許嫁、魏徵諫而罷、親王心竊媿之、絕不復言、婿家聞之、離婚、於是納為御息所、及遷土佐、使其隨身、秦武文還京、師迎之、至尼崎、筑紫、人松浦五郎夜遣兵奪之、武文拒關、負御息所、至港口呼舟、五郎在舟、給載之、武文歸舍、收裝、五郎解纜而發、武文揚扇、招之、舟人喧笑、武文大怒、自殺、比至阿波、鳴戶、風波暴起、見武文、擲甲乘馬、舉扇招舟、舉舟、驚愕、五郎知武文為厲、拘御息所、欲投海、有僧諫之、乃載小舟、放之、漂著淡路、武島、土人憫之、養視、親王怪武文久不歸、偶聞守兵相語曰、去年過鳴戶、有美服繫柁、是必宮女、遇風漂沒也、親王取其服視之、則武





佛文赴京師時所贈御息所也親王哀悼親書  
佛經薦寘福亂平歸京師聞御息所在武島  
迎之及後赴越前御息所留在京師及親王  
首入京師哀慟臨葬月餘憂死今據增鏡親  
王遷土佐之時御息所既沒久矣故不取

世良親王幼而聰敏才器過人增鏡善和歌曉

音律時人歸心島津家本帝甚愛之昭慶門

院養為子增鏡為親王拜上野太守皇胤紹太

宰帥增鏡島津家稱河端宮皇胤紹元德二

年九月病薨增鏡常

護良親王天姿穎敏幼為帝所寵異拜兵部

卿會皇太子邦良薨儲貳未定帝屬意護良

太平記而北條高時違詔以後伏見帝長子量

仁為太子故不得立島津家本遂往梨本佛

寺就承鎮法親王為僧更名尊雲太平記嘉曆

二年敘三品天正本為延曆寺座主太平記

主記、釋家居大塔時人因稱大塔宮帝深嫉

高時擅權每欲除之元德二年敕修延曆寺

大講堂已成親臨慶之以尊雲為新堂呪願

師進敘二品蓋欲以結僧徒之心賴其力除



北條氏也

太平記

尊雲與贊密謀、遂廢講讀、專

習武事、毅擊精妙、趨捷如飛

太平記

既而謀

泄、高時大懼、乃圖行廢立、元弘元年秋遣二

將率兵三千入京師、尊雲諜知其謀、即夜馳

使奏曰、高時遣兵、將遷乘輿于絕島、殺臣尊

雲也、陛下乘夜幸奈良、假御衣于近臣、陽為

行幸至本寺、揚言車駕避賊、賊聞之、必盡銳

來逼、則本寺僧徒勢不得不力拒、延及數日、

漸徵畿内官軍夾攻、殲賊必矣、今禁旅未集、

城壁未立、而賊兵奄至、何以禦之、國家安危、

在此一舉、願陛下速用臣計、不然則大事去

矣、帝乃從、近臣數人幸笠置山、使大納言藤

原師賢被帝服至延曆寺西塔、僧徒聞之、戒

裝、競集西塔、一夕間衆至二三萬

兵數據今川家本

尊雲與弟尊澄法親王、別將僧兵六千陣八

王子、明日六波羅遣兵來攻、尊雲出僧兵三

百擊于辛碕濱、走之、斬賊將海東仲家、已而

僧徒集西塔者、知行幸非真、恚其見欺、稍稍



引去、太平記、參取增鏡、尊雲兵亦散盡、留者僅數人、

乃夜多設燎火為疑兵、潛與尊澄分路出走、

至奈良匿般若寺、伺行在消息、○增鏡云、走楠正成赤坂

城、會行在亦陷、內侍原好專內侍原據兵來天正本

圍般若寺、時方天明、從者皆外出、尊雲不知

所為、將引刀就盡、傍有三函、盛大般若經、其

一出經過半、乃跳入函中、以經自覆、擬刀於

心而伏、好專兵遍索佛殿、遂及經函、而尊雲

所匿函以蓋開不怪而去、尊雲度彼一索不

得、後必復來索、急移匿別函、好專兵果還、指

嚮所匿函曰、前忘索之、傾函出經、戲曰、不見

大塔宮、唯見大唐玄奘三藏耳、○塔唐音相近大笑

而去、尊雲遂與光林房玄尊、赤松則祐、木寺

相模勝憲、岡本參河房英實、武藏房豪雲、勝憲

英實豪雲據金勝院本村上義光、片岡八郎、矢田彥七、

平賀三郎等、裝為修驗者、赴熊野、而所經皆

峻嶺深谷、絕無人煙、重繭饑困、旬餘始抵十

津川、憊息佛舍、從者散入村落乞食、得粟飯



椽粥進焉、如此者三日、玄尊適造人家、遇童子出、因問主人名姓、對曰、是戶野兵衛者也、玄尊素聞其爲土豪、乃入門覘伺、會聽內有人言、安得咒師禳病、玄尊乃爲修驗者語曰、某棲那智山十日、浴三級瀑七日、今將巡禮三十三所觀音、失道來此、願大檀越哀愍止宿、有女奴出請曰、主母正罹邪祟、願煩師之禱解、玄尊顧指佛舍曰、老師在彼、無禱不効、女奴曰、請爲屈之、尊雲乃往其家而誦咒、少

選病者得愈、兵衛出謝曰、田家無物可答報、願舍于此旬餘以解羈倦、然去留任意、師家常態、倉卒出去、悔之何及、請以是爲質、悉收其所負笈、衆意喜之、遂停浹旬、兵衛一夕對爐燎寒、從容謂曰、如聞大塔宮避難熊野、師等豈知之邪、熊野別當定遍素黨北條氏、非宜駐駕之地、此地雖小、四方負嶮、加之俗頗樸實、習武、往昔平維盛避亂投我家、卒得保全、今大塔宮亦幸來于此乎、某將出力奉之、



尊雲問曰、大塔宮若至、君實為之用邪、曰我門雖微、一日唱義、則吉野十八鄉及鹿瀨、蕪坂、湯淺、阿瀨、川小原、芋瀨、中津等、所在豪族、莫不率從也、尊雲乃目勝憲、勝憲促膝近兵衛、指尊雲謂曰、是即大塔宮矣、兵衛熟視左右、猶有疑色、見片岡八郎、矢田彥七、脫頭巾露月額、乃驚而避席、稽顙謝罪、曰、野人無狀、若微前言、何得知殿下之降臨、乃造新館奉尊雲、柵絕諸要、為守備計、兵衛舅竹原八郎

聞之大喜、迎致其家、尊雲於是蓄髮還俗、更

名護良、更名據梅松論納八郎女為寵、八郎益喜、崇

奉無貳、傍近邑人稍皆歸心焉、是歲元弘二

年也、居數月、熊野別當定遍聞之、以為十津

川要害之地、不可以力取也、乃揭榜道路、購

求曰、獲大塔宮者、不論士庶、授伊勢車間莊、

定遍又與私錢六百萬、殺從士者五百萬、出

降者三百萬、即日施行、若有食言、明神殛焉、

十津川熊野間土豪稱莊司者八姓、皆貪婪



無信見之皆生異心護良患之謀避于吉野  
 八郎強留而止既而又聞八郎子亦有貳志  
 遂與眾潛赴吉野吉野據毛利家本而沿塗敵地不  
 可輒過護良以為若款布誠信或得無梗也  
 乃試投芋瀨莊司不納曰臣若縱大王得過  
 後必得罪於鎌倉願得近臣一兩人而脫大  
 王否則得所齎錦旗為戰而奉之以為他日  
 之驗護良不得已與旗而去村上義光後至  
 奪其旗還護良大喜翌日到小原道得樵夫

言曰前路有玉置莊司者布柵山道遏絕行  
 人非誘之不可也乃遣片岡八郎矢田彦七  
 諭之玉置急入內不出二人知事不諧走還  
 玉置馳數十騎追之二人返戰立斬一騎餘  
 兵遙射八郎中二矢急麾彦七曰去矣速報  
 大王為避賊計遂前鬪死之護良聞彦七言  
 奮曰事已至此避之何為乃進望見賊兵擁  
 嶺笑謂左右曰子等唯叢射孤當徐自盡子  
 等必斃孤面皮割鼻耳不可識別賊謂孤猶



未死也、不爾、恐天下義旅聞孤死者喪氣、而賊勢益張矣、衆咸奮激、爭趨玉置陣、會紀伊人野長瀨六郎及七郎率兵三千來援、玉置兵不戰而潰、護良召六郎曰、孤以十津川狹隘、不備用兵、將欲出大和河內間、據形勝之地、以圖恢復、今為玉置所困、幾乎不免、不意賴卿之援、得出萬死也、然今日之事、未遑一介奔告、卿何以知之、若非天祐、孤安至此邪、六郎曰、昨有一童子來臣之鄉、戶諭曰、大王

明日自十津川至小原、必在塗遭難、宜速往奉迎焉、臣等謂大王之使也、護良驚歎神之、心私負焉、遂進抵槇野城、尋往吉野山、招聚僧徒、據寺為城、以兵三千守之、太平記是時帝在隱岐、護良間上書言事、增鏡遣赤松則祐齎令旨至播磨、使其父則村起兵討賊、太平記又下令諸國、應之者多、增鏡明年春高時使二階堂貞藤將大兵來攻、以吉野執行巖菊丸為鄉導、接戰七晝夜、死傷無算、賊兵大沮、已而



巖菊丸夜遣兵自山後縋入、火城喧譟、貞藤應之、前後急攻、我兵不意敵至、多爲所殺、護良執眉尖刀、率左右二十餘人、縱橫奮戰、賊兵披靡、護良甲著七矢、頰腕中兩刃、流血淋漓、退入幕中、命酒與將士訣、引巨觥立嚼三爵、木寺勝憲貫賊首于刀鋒、歌舞侑之、村上義光以外城已陷、勸護良間道脫去、道又爲敵所邀、僅而得免、事具義光傳、已而貞藤聞護良在高野山、縱兵大索山中、而僧徒保匿

之、不能得而去、尋新田義貞間使請奉令勤王、護良乃與之、其書一遵綸旨體、義貞大喜、未幾帝幸船上、官軍大振、護良往河內志貴山、居毘沙門堂、聞赤松則村兵攻賊京師不利、更下令延曆寺僧徒助則村、會義貞誅高時、足利尊氏等復京師、車駕還闕、而四方兵士雲集、志貴山、護良將以之覲京師、刻期既定、不果往、初、尊氏之克京師也、忌護良威名、竊圖激而除之、會護良候人殿法印良忠部



曲剽掠都下、乃捕二十餘人梟之、護良聞而大怒、遂圖誅尊氏、更約束士衆、繕修器械、時勤王將士會集京師者、聞其欲有所討、各懷危懼、羣情洶洶、帝遣參議藤原清忠詔曰、喪亂始定、遐邇嚮化、朕將偃武修文、與衆更始、王擅集軍旅、更欲何討、其宜還初服、傳法燈、稱朕興治之意、護良答詔曰、伏奉明詔、使臣亟撤戎備、退修舊業、臣伏以方今大憝殄滅、兆民慶賴、是蓋雖皇帝陛下聖神威武之所

致、抑亦愚臣與少有奔走之勞也、然逆賊餘燼未悉就撲滅、竄匿遐陬、伺釁思亂、臣愚竊以雖天下已平、兵備未可遽弛也、故纂嚴以警不虞、若應明詔、不審閫外之寄、聖明其將誰任、臣近見治部大輔足利尊氏、憑藉天威、僅効尺寸微勞、乃凌侮衆功、陰懷飛揚跋扈之志、若不及其勢微而剗鋤、則是又生一高時也、臣聞諸佛設攝受折伏二門、方便濟度焉、柔和忍辱、慈悲爲先、是攝受也、威憚忿怒、




刑罰爲宗、是折伏也。在昔天武、孝謙二帝脫去伽黎、再御袞冕、人主猶然。况臣子乎。望請天眷、特借臣一員戎號、任以折伏之事。爲陛下誅豎子、消禍亂乎。未萌也。帝報曰、足利尊氏未聞有罪責、一旦加戮、將士解體、誰爲朕用。王勿妄舉、失衆心也。若其執節、旄鎮廟社、余嘉乃志、其宜從所請而與之。乃拜爲征夷大將軍、護良入朝、謝命、從兵數千、鞍馬鎧甲、炫耀道路。帝封護良以北條秦家食邑。自是

漸耽聲色、譽望稍衰、增惡尊氏所爲、謀必除之。密下令徵諸國兵、然以帝不許而止。又多養挽強、擊劍無賴之士、而其徒負恩暴肆、犯夜橫行、枉殺路人。尊氏知其終不利己、結帝寵姬三位局藤原氏、誣以謀反、因上其召兵書、使藤原氏徵焉。帝嚮不悅、護良違詔、然以其建勳最大也、勉從其請。及得尊氏奏、赫然發怒。建武元年冬、託中殿和歌會、召護良、命武士執之、囚馬場殿、誅其親臣三十餘人。○按



梅松論曰、帝將除尊氏、護良及楠正成、名和長年受密旨、及期、聞尊氏兵盛、乃止、帝因行幸北山、已而尊氏聞護良將來攻、乃益集兵自備、且訴于帝、帝不得已、歸罪護良、此說不足信、故護良憂憤、莫能自明、憑素所親宮人上書曰、臣以負譴之身、訴無罪之狀、淚落心暗、愁結言短、只望加恩恤察、夫承久以來、武家執權、朝廷棄政、臣不忍坐視、釋慈悲、忍辱之法、衣被降伏、怨敵之堅甲、內犯破戒之罪、外受無慚之譏、為君忘身、與賊効死、當是時、雖朝不乏人、或不勵志、或徒待時、臣獨無尺

鐵之資、揚兵而謀賊、是以賊徒謂臣為首謀、逐索遍至、贖以萬戶、四海之內、無所措身、晝卧山谷、而席苔、夜遶村里、而履霜、捋龍鬚、蹈虎尾、遂運籌於帷幄之中、殄賊於鈇鉞之下、以使龍駕再還都、鳳曆永則天者、非臣忠功而誰、而今功賞未論、罪責忽來、伏聞罪科條、一皆虛說、何不得被尋究、仰而訴天、日月不照、不孝之子、俯將哭地、山川不載、無禮之臣、父子義絕、乾坤共棄、儻蒙綸旨、宥死刑、永削






竹園之名、而速返桑門之服也、申生死而晉國亂、扶蘇刑而秦世傾、浸潤之譖、膚受之愬、事起于小、禍延于大、乾臨何不據古而鑑今、不堪懇歎、伏仰奏達、有司畏憚中外、屏而不奏、遂詔流護良鎌倉、年據元弘日記裏書○本書係二年尊氏弟直義遣兵迎護、至則鑿土牢於二階堂谷、幽之、二年秋北條時行兵攻鎌倉、直義出奔、謂淵邊義博曰、親王吾家深讐、汝往圖之、義博乃至土牢、牢中幽暗、護良方照燭讀佛經、

見義博至、蹶然奮起曰、汝欲殺我乎、進奪其刀、義博乃斫膝、踣之、將斷其吭、護良縮頸、嚙刀、折鋒寸許、更拔副刀刺心者二、遂遇害、年二十八、年二十八據天台座主記嘉曆二年之文推之義博提其首還、將示直義、視其面如生、猶含刀鋒、異而棄去、侍女索而獲諸竹叢中、其目不瞑、乃收屍火之、齋骨歸、天下聞而寬之、太平記火屍齋骨據

天正子陸良、陸良、母源親房妹也、太平記、保曆間記、陸良據細細要記、○古本帝





王系圖 幼有勇概太平記後醍醐帝子養之為

親王阿蘇社文書後村上帝即位授以征夷大將

軍太平記興國二年復親房迎鎮常陸阿蘇社文書

及親房軍敗還行在正平六年赤松則祐歸

順請奉陸良為主帥聽之陸良往播磨則祐

復叛拘陸良於京師○按三刀屋文書是歲

親王令旨聚兵常陸親王蓋陸良也後但馬人奪陸良而入丹

波高山寺城本莊平太本莊平三奉之略定

但馬丹波進至播磨與則祐戰於曹山平太

平三戰沒陸良奔河內後諸將數請奉之為

主帝惜其材武皆不許十五年敵大舉入寇

藤原隆俊戰敗朝廷震懾陸良奏請領兵自

效帝乃配之以赤松氏範及吉野十八鄉兵

陸良既已領兵志變氣驕欲乘寇亂并十八

鄉密遣使足利義詮定約帥步騎三千餘登

銀嵩焚賀名生行宮及鄉士第宅人莫能測

以為奇計誑敵既而告變者相繼帝乃使前

關白師基將千餘騎討之兵士望見始知有



大日本書紀 卷九十九 列傳 十一

反謀忿怒潰散留者五十餘人氏範被創而

走陸良奔奈良太平不知其所終

靜尊法親王○異本皇胤紹住聖護院皇胤

錄諸門跡譜

宗良親王年十餘歲為僧名尊澄太平住妙

法院敘三品為天台座主天台座帝將滅北

條氏尊澄與兄尊雲同謀畫未發事泄元弘

元年八月帝幸笠置尊澄與尊雲糾聚僧兵

與佐佐木時信戰辛碕濱走之太平既而

僧豪譽叛執尊澄執事澄俊送六波羅僧都

猷全於門徒中最號豪富率其徒降賊尊澄

不能支道石山走笠置太平城陷被執拘于

長井高廣家二年遷于讚岐託問增鏡太平三

年亂平尊澄率四國兵還京師再為座主天台

座主記建武二年敘二品釋家官延元元年

足利尊氏逼京師帝幸延曆寺太平特命尊

澄敘一品以勉勵僧徒座主敘一品是為始

天台座主記帝被尊氏給還京師尊澄走遠

釋家官班記



江井伊城、三年春與源顯家入援、顯家戰死、

尊澄走吉野、太平記、秋敕再赴井伊城、經略東

國、李花集、神皇正統記、太平記、四年帝崩、後村上帝嗣立、

頒告遺敕、尊澄及諸將及時進取、太平記、

養髮改名宗良、新葉和歌集、李花集、○宗良還俗年月不詳、姑係于此、

稱上野親王、或信濃宮、太平記、尋敕宗良為中

務卿、征東將軍、新葉和歌集、○按本書不載任二官年月、今姑係于此、李

井伊城、宗良收餘衆、復據井伊、又為師、泰所

陸良為征夷將軍、陸良為征夷將軍、恐誤、興國元年高師泰陷

破、參取保曆間記、鶴岡社務記、走越後、李花集、是後徙駿河、

轉信濃、往來甲斐、美濃、越中、越後之間、流離

竄匿、備嘗艱阻、三河人足助重春、信濃人香

坂高宗、駿河人狩野介貞長、遠江井伊介某

傾心為之用、新葉和歌集、李花集、正平七年、足利義詮

請和、帝詐許之、欲襲其不意、敕新田義興、義

宗發兵、攻尊氏於鎌倉、太平記、宗良進軍武藏

野、勒兵勵士、作歌曰、岐美能多迷、余能多迷

奈珥加乎志、加羅牟、須氏氏加比阿流、伊能



大日本史 卷九十九 五十一

知奈利世婆新葉和歌集、李花集既而義宗等與敵戰

不利退保笛吹嶺宗良又率大井田氏經上

杉憲顯等二萬餘人援之官軍敗績義宗奔

越後時帝駐蹕石清水義詮急攻之詔徵東

北諸將來援宗良率神家滋野上杉等諸軍

上道未至城陷太平記十五年帝在住吉詔宗

良發兵來赴信濃早寒木曾路冰雪人馬難

通不能出軍帝賜和歌促之不果新葉和歌集、李花集

自長慶帝後國勢衰弱詔命不行宗良窮感

滋甚文中三年詣吉野天授三年又如信濃

不果遂入長谷寺又為僧尋往信濃後寓河

內山田宗良嘗撰新葉和歌集後龜山帝敕

準奉敕撰弘和元年十二月重訂上之時年

七十不知其所終○鎌倉大草子曰弘和中

族悉死於浪合宮疑一子興良先卒新葉和歌集、興

宗良也然無所考

良據細要記

皇太子恒良初為親王元弘元年帝幽六波

羅恒良甫八歲賊以其幼居之藤原宣明宅



恒良日夜思慕，謂宣明日：聞上在白河鄉，何不一將我往謁？宣明潛然掩淚，舉僧能因歌以對曰：白河在陸奧，其地有關，遇人安可輒至。恒良即誦藤原雅經津守國夏歌曰：京師自有白河名，同而地異耳。卿將誑我邪？竟不復言。偶倚門聽昏鐘，詠曰：津玖豆玖斗，奈鵝迷玖羅志氏，以利阿比能，加禰能於斗珥毛，岐美鋤古比志岐。○加禰能於斗，或作加禰鳥岐玖。是時都下盛傳八歲宮之歌，莫不為下泣者。太平記增鏡○記

按太平記八歲宮詠歌條曰：第九宮而後，宣胤記引太平記為第四宮，增鏡內侍准后所生皇子皆幼留京師，以八歲者為長，其詠和歌與太平記同，而歷代皇紀、神皇正統記、太平記、異本太平記、恒良成良、義良、皆准后所生，在帝之諸子行，則第六恒良、第七成良、第八義良也。作此歌者為恒良，無疑。曰第九宮，第四宮誤。北條高時遷恒良于但馬，囚於守護太田守延家。本書笠置囚人

條流第四宮但馬忠顯京合戰條流第六宮但馬前後齟齬，今從神皇正統記所敘兄弟之次。三年，守延奉恒良起兵，會源忠顯於丹波篠村，忠顯奉為上將軍，下令召兵進攻六波羅，不利，退于男山。太平記事在忠顯語中，建武



元年立為皇太子

歷代皇紀

延元元年帝自延曆

寺還京師使恒良赴越前經略北國新田義貞總軍事據金碕城兵食不繼敵勢日熾衆勸義貞赴杣山收兵為後援未至城陷恒良被執足利高經檢視首級惟有新田義顯里見義氏首高經問恒良以義貞義助等存亡恒良意謂若以實告之則彼急攻杣山乃給曰聞昨日薄暮義貞兄弟自殺從者火屍營中高經信之以杣山無勁敵彼自出降不須

勞師徒使兵士護送恒良於京師尋與成良親王共幽一室三年春義貞義助出杣山連拔數城兵勢大振足利尊氏與弟直義大怒曰是信東宮言而緩杣山之故也乃命粟飯原氏光醜焉氏光齋藥謁曰幽居鬱陶恐有病生直義使臣獻藥乃留一裹而還成良曰未病進藥是愛我也豈有愛人而幽閉一室日夜憂悶乎是必速死之毒非療病之藥也將擲之庭恒良手取之曰尊氏直義慘虐為



性縱不飲此藥無免死之理矣與其被鎖一室不見天日孰若早取死也於是每日誦經念佛以飲藥成良亦飲焉無幾薨時年十五

太平記年據元弘元年八歲之文○元弘日記裏書恒良為太子時年十三與本書異

成良親王元弘元年為上野太守足利直義

副之出鎮鎌倉太平記保曆間記上野太守據神皇正統記建武

元年拜征夷大將軍神皇正統記職原鈔二年北條時

行龔鎌倉成良與直義留三河大江時古奉

成良還京師元弘日記裏書直義留三河據太平記三年冬足

利尊氏幽帝於華山院光嚴院立成良為皇

太子及帝幸吉野廢之歷代皇紀皇幽於京

師後與恒良俱遇害太平記

躬良親王○躬或作省建武元年入仁和寺大聖

院無幾為親王延元三年出家法名法仁正

平六年崇光院直授二品賜綱所補六勝寺

檢校七年薨年二十八仁和寺御傳○諸門

懷良親王為式部卿新葉和歌集延元元年足利

尊氏犯闕懷良從駕幸延曆寺及駕還京師



懷良奔匿吉野太平三年任征西大將軍鎮

撫筑紫阿蘇社文書○元弘日記裏書曰牧

津赴鎮西牧宮蓋懷良為四國宮四年後村上帝

立頒遺詔戮力圖恢復太平菊池武光迎入

八代城傾心輔衛菊池武興國三年懷良率

兵討島津貞久於薩摩島津文書阿與貞久

戰於谷山破之敵多降附阿蘇社貞久退保

千臺島津文書阿懷良進據谷山分兵攻諸

城拔之與貞久相持正平二年還肥後留別

將節制薩摩官軍阿蘇社尋與武光擊一色

範氏走之進陣筑前大友氏時少貳賴尚降

附鎮西粗定菊池武敘一品後醍院七年帝

幸男山詔懷良發兵入援懷良不果往阿蘇


書十三年足利尊氏遣其將一色直氏為筑

紫探題武光擊走之賴尚尋叛應足利義詮

武光奉懷良伐之戰大原懷良督衆衝陣身

被數創左右多死武光殊死戰遂克之斬獲

三千二百餘級太平後不知所終世稱鎮西





皇胤 皇胤 皇胤

宮園太或九州宮李花阿蘇宮皇胤紹運肥

後宮鳥津相傳懷良屏居八代郡小野薨即

葬焉娶菊池武重女生男爵松丸後曰良宗

子孫連綿存于今焉後醍醐院系圖○菊池武

平救裁為故大王代官大王即懷良將軍宮不詳為何人疑即良宗也

僧尊真稱醍醐宮皇胤紹

聖助法親王住聖護院遯世諸門跡譜皇不

知所終胤紹

玄圓法親王住一乘院為興福寺別當諸門

皇胤 皇胤 皇胤

恒性住大覺寺元弘三年北條高時遷之于

越中戕焉諸門跡譜皇胤紹運錄按紹運錄

年今推其

元選字無文元德三年為僧後入元嗣法福

州高仰山僧梅友歸朝居遠江奧山創方廣

寺元中六年閏三月卒年六十八參取無文

高僧

滿良親王

日本書紀 卷九十九 川傳 三十一



卷之九十九 三十七

後村上八皇子、女御藤原氏生後龜山帝、宮

人教子生世泰親王、新葉和歌集長慶帝第三子

惟成親王、第四子皇太弟泰成、第五子說成

親王、第六子良成、第七子泰邦親王、並不詳

所出、古本帝王系圖○按新葉和歌集有兵

多良氏、李花集跋亦曰、先師兵部卿師成親

王出家號惠梵、蓋二人皆帝之子、今無所考

世泰親王先帝薨葬如意輪寺、帝作和歌悲

之、新葉和歌集

惟成親王任式部卿、薙髮號梅陰祐常、古本

系圖、式部卿據新葉和歌集、○本書作中務卿

皇太弟泰成、正平十五年生於住吉行宮、新葉

和歌集為親王、任太宰帥、新葉和歌集、古本後龜

山帝即位、為皇太弟、古本帝王系圖

說成親王任上野太守、古本帝王系圖稱五常院宮、

子僧圓悟、圓胤、並住圓滿院、圓胤任大僧正、

諸門文安四年十二月還俗起兵、更名義有、

更名據薩戒記擊畠山持國于紀伊戰沒、諸門跡、鎌

日本書紀 卷之九十九 三十八



大日本書紀 卷九十九 三十一

倉大日記、持國、世稱圓滿院還俗宮、諸門跡

據畠山系圖、大日記、○按古本帝王系圖以圓胤為泰成

子、然考康富記、或云上野宮之族、或云護性

院之族、護性院蓋五常院、其為說、成之子明矣、故今從諸門跡譜、

良成稱鎮西宮、古本帝王系圖

泰邦親王為太宰帥、新葉和歌集稱帥宮、古本帝王系圖

長慶一皇子、僧尊聖不詳母氏、

尊聖居勸修寺、任大僧正、兼安祥寺寺務、古本帝王系圖

後龜山一皇子、小倉不知母氏、○按新葉和歌集有前大

納言有光為今上第二皇子、子求乳母文、由是觀之、帝子不止于此、今無所考、

皇子某稱小倉、從帝居嵯峨、正長元年夏稱

光帝不豫、繼嗣未定、小倉意欲以其子承大

統、秋竊奔伊勢、椿葉記冬、伊勢國司大納言源

滿雅奉之起兵、與世保持賴戰敗死、北畠系圖○椿

葉記作土岐與安、小倉出降、復居嵯峨、子教世保與安訓讀同、

尊入勸修寺為僧、椿葉記任權僧正、兼安祥寺

寺務、諸門跡譜

後小松三皇子、宮人藤原資子生稱光帝、第

大日本書紀 卷九十九 三十一



三子皇子某皇胤紹藤原氏生第二子僧宗

純一休年譜行實

皇子某稱龍樹寺宮、敘二品、為親王皇胤紹運錄

居中納言藤原經興小川邸、因又稱小川宮、

薩戒應永三十二年二月薨花營三代記、年二

十二、先是日吉社竹枯、又祠前有死猿無首、

親王以甲申生、且應竹園之稱、時以為識薩戒記

宗純、母藤原氏遭讒出宮、時有身、應永元年

正月生宗純於民家、天資穎敏、一休年實○按菅原

和長明應三年記亦以為帝子、足證本書附以備考、六歲入安國寺為

驅烏、名周建、一休年後從近江堅田祥瑞庵僧

宗曇受其記、削改今名、號一休、一休年實帝禪

位後、常召宗純於宮中、問道譚禪、鍾愛加篤、

稱光帝大漸、繼嗣未定、時彥仁親王在伏見

邸、宗純密奏帝曰、宜立為嗣、一休年迺作和歌

上之曰、斗岐波岐夜、古氏羅能、古須慧、津美

須氏、余、余、遠、豆、玖、多、計、能、曾、能、波、布、志、美、珥、



荒木氏所藏真蹟色紙皇嗣遂定是為後花園帝文明

六年敕住大德寺十三年十一月逝年八十

八一休年譜行實安像於真珠庵及酬恩庵所著有

狂雲集傳世宗純心機快活詼諧戲慢物我

相忘貴賤一視志存慈惠隨得隨施兒童馴

愛烏雀就啄嘗居和泉堺浦每出街市攜一

木劍有問之者則曰世贖知識猶此木劍室

之則似矣抽之則木片耳殺人猶不能況活

人乎其徒傳之畫劍于肖像傍後小松帝將

崩入宮進對帝大悅親賜先朝寶墨聖草飛

白數帖宗純生平不蓄一物惟此數帖到處

自隨一休年譜有子為僧曰紹偵號岐翁居攝津

櫻塚云菅原和長明應三年記

附北朝皇子

光嚴四皇子陽祿門院生崇光帝後光嚴帝

皇胤紹運錄後對御方藤原氏生第三子義

仁法親王皇胤紹運錄第四子尊敦親王失母氏

諸門跡譜仁和寺御傳



義仁法親王、住柵尾、敘二品、妙傳箏曲、稱正

親町宮、皇胤 紹運錄、一本 紹運錄

尊敦親王、初為權中納言藤原資兼所鞠養、

後愚 昧記 文和四年為親王、尋師寬性法親王為

僧、更名惠仁、又尊朝、住仁和寺、仁和寺 御傳 永和

四年七月薨、年二十五、諸門 御傳、仁

光明一皇子、周尊失母氏、事闕、皇胤 紹運錄 ○按崇光帝

皇太弟 直仁子 有僧 周高者、與此 相類、疑一人也、

崇光三皇子、典侍源氏生第一子榮仁親王、

第二子弘助法親王、皇胤 紹運錄、椿葉記 第三子興信

法親王、並失母氏、諸門 跡譜 ○按本書不書

故今定為 第三子

榮仁親王、落髮更名通智、居伏見殿、皇胤 紹運錄、椿

葉記、○按崇光帝殂、榮仁地居冢嫡、當纂位、

而其不得志也、蓋從崇光帝入吉野、故不得

立耳、又據近代帝系所載、榮仁僅四歲、而後光嚴

帝時年十五、蓋足利尊氏以天下將亂、有利

此 初後深草帝之遜位也、後嵯峨帝敕以長 講堂領一百八十所、及法金剛院領攝津住



吉上下尾張熱田社封戶、及別納若干戶、播磨國衙、及別納十所爲其奉邑、而及伏見帝登極、自併領之、傳至光嚴帝、光嚴帝傳之光明帝、使光明帝傳之崇光帝、爲遺命書付帝、及後光嚴帝曰、榮仁若得登位、當以長講堂領及法金剛院領授之、不然則彌仁在位之際、領之、遂可以付榮仁之家、設使後世復有兩宗遞立之事、非榮仁子孫勿得領之也、又曰、後堀河帝皇女室町院遺封、見爲太弟直

仁食邑、直仁百歲之後、宜歸于榮仁、又曰、伏見殿地雖籍在長講堂領中、然世嫡宗之所專領、宜特歸榮仁也、及後光嚴帝將遜于位、議嗣、帝欲立榮仁、盡傳封戶、遣人致意於足利義滿執事、細川賴之、賴之頗難之、答曰、此自陛下家事、宜自圖之、帝更使人謂曰、承久以來、禪代之事、必成武家之手、今日吾之所懇請、勿見外、旣而賴之竊納、後光嚴之託、謀立後圓融、因僞辭不與其議、後圓融遂得立、



帝由此與後光嚴相惡、羣下亦各植黨相附、  
 及帝殂、後小松帝悉收長講堂領及其諸封  
 戶、榮仁所得僅止伏見邑、榮仁鬱鬱不樂、決  
 意遁世、既而直仁薨、榮仁欲得其遺邑、乃舉  
 光嚴遺書、就左大臣足利義滿申理、義滿為  
 奏、後小松帝、以直仁遺邑七所及播磨國衙  
 與別納地、并給之、榮仁、而別納十所、亦為後  
 光嚴所領、後小松帝雖許之、而遂不與、榮仁  
 所得、有名無實、義滿又取伏見殿地為菟裘

之地、徙榮仁居于菟原殿、及義滿薨、榮仁復  
 舉光嚴遺書、就內大臣足利義持管領斯波  
 義重請得其地還居、而菟原殿亦直仁子僧  
 周高請義持捨而為寺、榮仁家舊藏寶笛、名  
 柯亭、天下名器、自古朝廷大禮、清暑堂神享  
 奏樂、僅用之、後小松帝脫屣也、榮仁老且病、  
 恐子孫不得保直仁遺邑、以笛獻帝、請世其  
 地、帝喜許之、應永二十三年十一月薨、  
 取增鏡、榮仁自為遺書、寄封戶若干於大光明

椿葉記參



寺、營建塔頭、命曰大通院、又以為其號、以嘗

居有栖川、又稱有栖川宮、皇胤紹運、稱光帝

崩無嗣、後小松帝養榮仁緒孫踐位、是為後

花園帝、仍以長講堂領法金剛院、領為其奉

邑、而熱田社封戶亦遂歸伏見殿、榮仁子孫

得併領之、盡如光嚴帝遺旨云、椿葉子貞成

親王號、後崇光院、次治仁王、皇胤紹運

弘助法親王住相應院、皇胤紹運、椿葉、記

興信法親王住勸修寺、管掌安祥寺、早薨、諸

譜跡

後光嚴十五皇子、崇賢門院生、後圓融帝、皇胤

紹運、錄、女、第五子、熙永親王、仁和寺御傳、一

第六子、堯仁法親王、皇胤紹運、內侍橘氏生、第

十子、明承法親王、皇胤紹運、後愚昧、記、別

殿局、右衛門佐局生、第二子、亮仁法親王、第

八子、覺增法親王、伯耆殿局生、第四子、覺叡

法親王、皇胤紹運、後愚昧、記、第七子、久尊親王、皇胤

錄、天台、其第三子、行助法親王、第九子、寬守



法親王、第十一子聖助法親王、第十二子堯

性法親王、第十三子道寬法親王、第十四子

僧某、第十五子僧某、並失母氏。○皇胤紹運錄

以堯仁為第三子、恐誤、

亮仁法親王從亮性法親王受業、住妙法院、

應安三年薨、年十六。皇胤紹運錄、後愚昧記、諸門跡譜、○諸異本太

平記云、從亮性居妙法院、為佐佐木秀綱所害、

行助法親王初名熙平、從尊悟法親王學法、

住圓滿院、敘二品。皇胤紹運錄、諸門跡譜、

覺叡法親王、為內大臣藤原實繼所鞠養、後愚

昧記、應安六年入梶井落髮、為承胤法親王

弟子。皇胤紹運錄、後愚昧記、諸門跡譜、任天台座主、永和三

年七月薨、年十七。後愚昧記、

熙永親王。皇胤紹運錄、永作仁、初為權大納

言藤原仲房所鞠、應安五年為親王。後愚昧記、仁和

寺、御尋為僧、更名忠助、又更永助、住仁和寺、

參取皇胤紹運錄、諸門跡譜、仁和寺御傳、至德中直敘二品、仁和寺御

傳、應永十九年進一品。一本紹運錄、薩戒二



十四年聽牛車、永享九年二月薨、年七十六、

稱後常瑜珈院御室、仁和寺御傳、諸門跡譜、

堯仁法親王、為權大納言藤原隆右所鞠養、

後愚昧記薙髮為僧良憲弟子、住妙法院、皇胤紹運錄、後

愚昧記、諸門跡譜、至德元年為天台座主、五年罷職、

應永十八年再任之、授一品、薩戒記、諸門跡譜、天台座主記、

為護持僧、永享二年四月薨、年六十八、諸門跡譜、

薩戒記、久尊親王、應安五年為親王、從尊道法親王

為僧、更名道圓、住青蓮院、參取皇胤紹運錄、後愚昧記、後深心

院關白記、永德元年任天台座主、天台座主記、

覺增法親王、為內大臣藤原公直所鞠養、已

而從僧妙葩為喝食、及妙葩為武藏守高師

直所逐、退居公直家、應安六年、聖護院門主

覺譽法親王修法于禁中、帝密囑覺增為其

弟子、先是後伏見帝皇子寬胤法親王當入

聖護院、會園城寺僧徒以母賤訴之、乃改議

入勸修寺、至是覺增以喝食入室、亦自古未



見其例、人謂帝先賂僧徒沮之、遂以覺增為之也。皇胤紹運錄、後愚昧記

寬守法親王、從乘朝法親王受業、住上乘院、

皇胤紹運錄、諸門跡譜

明承法親王、為權大納言藤原實音所鞠養、

及覺叡法親王薨、帝欲遽以明承代為梶井

門主、實音適忤旨、更使內大臣藤原實繼視

養入室、羣議以覺叡薨未經七七齋忌難之、

左中辨藤原仲光承帝旨、強奏為之、人頗非

焉。皇胤紹運錄、後愚昧記、別記、諸門跡譜 嘉慶二年任天台座

主、諸門跡譜、天台座主記

聖助法親王、師僧守惠學法、住本覺院、皇胤紹運

錄、諸門跡譜

堯性法親王、就堯仁法親王學法、住妙法院、

後有故自殺。皇胤紹運錄、後愚昧記、諸門跡譜

道寬法親王、從寬尊法親王受業、住大覺寺、

皇胤紹運錄、諸門跡譜

某住敬愛寺、皇胤紹運錄



大日本史 卷九十九 三十八


其住龍頭庵皇胤紹運錄

後圓融二皇子、通陽門院生後小松帝皇胤紹運

錄、女院典侍藤原氏生第二子道朝法親王、

皇胤紹運錄、後愚昧記、

道朝法親王住上乘院皇胤紹運錄



大日本史卷之九十九終



